



Broj: 01-11/5-2455 /22
Velika Kladuša, 10.10.2022. godine

Na osnovu člana 27. Odluke o izvršenju budžeta Općine Velika Kladuša za 2022. godinu („Službeni glasnik Općine Velika Kladuša“ broj: 3/21) i člana 43. Statuta Općine Velika Kladuša („Službeni glasnik Općine Velika Kladuša“ broj: 12/11), Općinski načelnik donosi:

ODLUKU

o Programu utroška sredstava sa kriterijima raspodjele granta „Tekući transfer udruženjima građana“ utvrđenih budžetom Općine Velika Kladuša za 2022. godinu

Član 1.

Ovom Odlukom propisuju se uslovi koje moraju ispunjavati podnosioci prijedloga – organizacije civilnog društva (OCD) i udruženja građana (u daljem tekstu Udruženja) sa područja općine Velika Kladuša da bi ostvarili pravo na sufinansiranje projekata za 2022. godinu.

Ovom Odlukom uređuju se postupci za njihovo ostvarivanje, način isplate, plan raspodjele i potrebna dokumentacija.

Član 2.

Za sufinansiranje projekata Udruženja u 2021. godini na način kako je to regulisano ovom Odlukom, koristiće se sredstva u iznosu od 350.000,00 KM iz Budžeta Općine Velika Kladuša, pozicija „Tekući transfer udruženjima građana“ ekonomski kod 614324-001.

Član 3.

Ovom odlukom definišu se kategorije udruženja koja Javnim pozivom imaju pravo učešća u apliciranju za raspodjelu sredstava predviđenih ekonomskim kod 614324-001 „Tekući transfer udruženjima građana“, u Budžetu Općine Velika Kladuša za 2022. godine, i to kako slijedi:

RB	KATEGORIJA	IZNOS
1.	Udruženja invalida, oboljelih i osoba s posebnim potrebama	35.000,00 KM
2.	Udruženja iz oblasti obrazovanja, religije, kulture i umjetnosti	40.000,00 KM
3.	Boračka udruženja	15.000,00 KM
4.	Udruženja iz oblasti humanitarne djelatnosti i zaštite ljudskih prava	90.000,00 KM

5.	Udruženja iz oblasti pravnog, poslovnog i finansijskog sektora	10.000,00 KM
6.	Udruženja iz oblasti pojedinačnih sportova	50.000,000 KM
7.	Udruženja iz oblasti ekipnih sportova	100.000,00 KM
8.	Rezerva Udruženjima	10.000,00 KM
UKUPAN IZNOS		350.000,00 KM

Član 4.

Sredstva rezerve će se koristiti za projekte organizacija i udruženja registriranih na području Općine Velika Kladuša koji ne ispunjavaju sve propisane uvjete za odabir projekata Udruženja a od izuzetnog su značaja za promociju i razvoj Općine Velika Kladuša a tiču se kulturnih, ekoloških, kinoloških, umjetničkih ili srodnih djelatnosti.

Sredstva iz stava 1. ovog člana koristiće se u skladu s procjenom imenovane komisije za ocjenjivanje pristiglih projektnih prijedloga.

Član 5.

Opći kriteriji za odabir Udruženja (iz oblasti određene članom 3. ove odluke) su slijedeći:

- Udruženja osnovana i registrirana u Bosni i Hercegovini;
- Vođena od strane državljana Bosne i Hercegovine
- Aktivnosti i djelovanja razvijaju na području Općine Velika Kladuše
- Projekti se odnose na oblasti koje su definisane javnim pozivom
- Organizacije koje ne obavljaju bilo kakvu aktivnost u ime političke partije
- Organizacije dostavile izvještaj o utrošku sredstava po prethodnom javnom pozivu
- Udruženje djeluje na području Općine Velika Kladuša 5 godine i duže

Član 6.

Posebni uvjeti za odabir projekata Udruženja (iz oblasti određene članom 3. ove odluke) su slijedeći:

- Broj direktnih korisnika/sudionika apliciranog projekta
- Značaj projekta za veću uključenost učesnika u lokalnu zajednicu
- Saradnja s drugim sličnim organizacijama i stručnjacima pomenute oblasti na domaćem i međunarodnom planu
- Broj godina djelovanja na području Općine Velika Kladuša

Član 7.

Za ostvarivanje prava na grant sredstva zainteresirana udruženja podnose zahtjev Službi za upravu, društvene djelatnosti i zajedničke poslove uz koji prilažu slijedeću dokumentaciju:

- Projektni prijedlog Aneks 1;
- Pregled budžeta i plan potrošnje Aneks 2;
- Logički okvir Aneks 3;
- Plan aktivnosti i promocije Aneks 4;
- Administrativni podaci o podnosiocu projekta Aneks 5;
- Financijski identifikacioni formular Aneks 6;
- Izjava o podobnosti Aneks 7;
- Lista za provjeru Aneks 8.

Član 8.

Provjera i utvrđivanje eventualnih obaveza odnosno dugovanja prema Općini Velika Kladuša će se vršiti po službenoj dužnosti.

Član 9.

Za raspodjelu sredstava definisanih ovom odlukom objaviti će se Javni poziv koji će biti otvoren od 15 (petnaest) dana od dana objave na oglasnoj ploči i službenoj web stranici Općine Velika Kladuša i na Radio Velika Kladuša. Javnim pozivom će detaljnije biti definisan zahtjev za prijavu sa popisom i formularima potrebne dokumentacije.

Član 10.

Za rangiranje i odabir potencijalnih korisnika sredstava, Općinski načelnik će imenovati komisiju koja će postupati u skladu s prethodno utvrđenom Bodovnom listom za podnositelje projekata.

Zadatak komisije je da izvrši pregled pristiglih prijava, evidentira potencijalne korisnike koji ispunjavaju uslove iz ove odluke, sačini listu korisnika prema broju bodova koje su ostvarili na osnovu bodovanja kriterija te istu dostavi Općinskom načelniku.

Član 11.

Ukupno se boduju četiri kriterija (posebni uslovi). Za svaki kriterij pojedinačno se dodjeljuje od 5,10 ili 15 bodova po projektnom prijedlogu. Broj bodova koji čini ukupnu ocjenu projektnog prijedloga sastoji se od zbira bodova za sva četiri kriterija. Maksimalan broj bodova koji svaki projektni prijedlog može dobiti je 60. Finansiranje neće biti odobreno ako predloženi projekat u postupku vrednjovanja ne ostvari minimalno 60% od maksimalnog broja bodova.

Nadalje, vrši se bodovanje po kojoj će biti izračunato koliko koji aplikant ima u postocima bodova od ukupnog broja bodova za sve 4 kriterija i to prema slijedećim koracima:

Korak 1

Formula je slijedeća:

Broj ostvarenih bodova x100

Maksimalan broj bodova (60)

Korak 2

Dobijeni postotci iz formule označavaju koliko će aplikantima u postotcima biti doznačeno sredstava od iznosa njihovih traženih sredstava. Kada dobivene postotke pomnožimo sa vrijednosti projekta dobit će se odobreni iznos sredstava.

Odobreni iznos sredstava = Broj bodova u postotcima (formula) x vrijednost projekta

Korak 3

U slučaju da se prijavi više kandidata te da zbir njihovih traženih sredstava prelazi maksimalan iznos sredstava iz budžeta ili je manji od iznosa sredstava iz budžeta, proporcionalno će im se povećati ili smanjiti iznos na osnovu njihovih dobiveni sredstava.

Konačnu odluku o visini odobrenih grant sredstava donosi Općinski načelnik kojom odobrava isplatu i potpisuje ugovor sa Udruženjem.

Član 12.

Za realizaciju ove odluke zadužuje se Služba za upravu, društvene djelatnosti i zajedničke poslove i Služba za finansije i računovodstvo Općine Velika Kladuša koje će nakon završene realizacije sačiniti konačnu informaciju o namjenskom korištenju sredstava.

Član 13.

Ukoliko nakon obrade pristiglih zahtjeva i sačinjenih spiskova potencijalnih korisnika planiranih sredstava ostane neiskorišten dio sredstava planiranih ovom odlukom i grantom „Tekući transfer udruženjima građana“ predviđen budžetom Općine Velika Kladuša za 2022. godinu, evidentirana razlika će se proporcionalno rasporediti na aplikante koji ispunjavaju sve uvjete Javnog poziva, na osnovu rang liste sačinjene od strane Komisije.

Član 14.

Ova odluka stupa na snagu danom donošenja a objavit će se u „Službenom glasniku Općine Velika Kladuša“

Dostavljeno:

1. Kabinet Općinskog načelnika;
- ② Službi za upravu, društvene djelatnosti i zajedničke poslove;
3. Službi za finansije, računovodstvo i javne nabake;
4. U spis, i
5. A/a.

OPĆINSKI NAČELNIK
Fikret Abdić, dipl.ing

